







S. VIII. 33.

EPICEDIA

In

Præmaturum quidem, sed tamen beatum ac
placidum obitum

AMPLISSIMI, CONSULTISSIMI, EXCEL-
LENTISSIMIQUE VIRI,

DN. HERMANNI
BRUNSVIGII, I. V. D.

quondam experientissimi, inclytæ
Reipublicæ Sedinensis Syndici disertissi-
mi, Scholæq; Senatoriæ Ephori
faventissimi,

*Cum gemitu & lacrymis
fusa*

ab Amicis.



STETINI,

Literis GEORGII GOETSCHII
ANNO M. DC. XXIV.



SYNDICUS Urbis eras nostræ, ô HERMANNE,
celebris,
Brunsvvigidum quondam gloria, fama,
decus!
Et Te præstabas tùm Mansuetudine talem,
Tùm solidâ Juris cognitione, fide,
Ut meritò eximius Te noster Amore Senatus,
Et quisvis coleret Civis Honore piò.
Hinc jam Te quisvis desiderat, improba Fata
Si curare modò vota profusa volent. (Lycéi.
Nostri Inspector eras; ubi eras; HERMANNE,
O quàm Te placidum sensimus usq; virum!
O quàm Fautorem Te sensimus ordinis hujus
Abjecti nostri! quàm quoque munificum!
Si vel singultus, si vel suspiria possent
Nostra aliquid, vitâ jam fruerere novâ.
Sed proh! nîl possunt. & si quid fortè valerent,
Respueres altò pectore id omne tamen;
Ut qui cœlestē tralatus es alite faustò
In requiem, nemo quâ repedare cupit.

Ergò

Ergò Brunsvvigidum celeberrima gloria Gētis
O HERMANNE, vale, perpetuoq; vige.

ex verò cordis adfectu gembundus f.
M. Martinus Bambanius P. L. Cæf. & Sch:
Sedin. Sen: ConR,

ALIUD,



*Andidus irriguis ceu flos marcescit in hortis,
Vespere demittens adveniente caput;
Filius & venti vel vi concussa, vel jmbre,
Lata quidem species, qua fuit antè, cadit:
Sic modò qui fuerat florens & viridus annis,
Et cui spectatus tinxerat ora color;
Hunc ventosa cita rapit inclementia mortis
Concussum, terris nec superesse finit,
Invida MORS, quinam ille furor, vel turbidus error,
Vel rabies potius qua tibi tanta fuit?
An te non animi facilis clementia movit,
Quà cunctis poterat gratior esse viris?
An te non movit mens consultissima rerum,
Non & dicendi copia sua viloque?
An non ille decor frontis nitidissimus? annon
Compositi gestus, virida membra simul?
Collacrymant nati & noti: fidiſſima conjux
Squalida continuis luctibus orba jacet.
Ipsaq; communem testatur Curia cladem,
Hoc orbata viro, fletibus ora rigans.*

Flent Masa, luget Phœbus; Cyllenïa proles:
Incusat virga tristia fura tua.
Eventus siquidem communes plangere mandant:
Biblia, natura Lex, socialis amor.
Non tamen extinctum fas est sine fine dolere,
Aut nullum lachrymis imposuisse modum.
Nam quanquam fisti Lex ad vadimonia mortis:
Hunc nostrum voluit; non tamen is periit.
Ante DEVM quoniam manifesto in lumine gaudens:
Ambulat, & nostrum despicit ipse solum:
Et præsens fruitur vitâ, quam credidit absens,
Inter & Electos, Æthereosq; Choros.
Ipsius ergo nimis lachrymis urgere sepulchrum,
Invidia fuerit, non pietatis opus.

Debita observantiæ, & veræ condolentiæ
ergo fecit:

ANTONIUS VVALTER, Sch. Stet.
Senat. SubRector.

ALIUD.

SI Schola deflevit patronum morte peremptum,
Si cui per solvit debita iusta viro:
BRUNSWIGIUM merito fato deplorat ademptum,
Qui multos annos vivere dignus erat.
Magna satis nobis occurrit causa doloris,
Quâ vel & inviti solvimur in lachrymas:
Siquis enim nobis divinâ sorte patronus
Affulget, qui sit firma columna scholæ;

Sollicitâ

Sollicitâ nostros penitus qui mente labores
Rimatur, digno calculo & usq; probat.
Quiq; laborantem justâ mercede laboris
Cognoscit dignum, subsidioq; levat,
Lance opus & pretium justus qui ponderat æquâ,
Non, datur & si quid, perditionis agit.
Ostendunt hunc Fata virum, nobisq; nec ultrâ
Esse sinunt, fors hunc invidiosa rapit.
Nonne igitur meritò fata incusamus iniqua?
Fata viris privant nos spoliantq; bonis.
Talis erat nobis BRUNSWIGUS fautor amandus,
Hoc cujus tumulo condimus ossa die.
Ingenuus, bonus & nulli virtute secundus,
Moribus in placidis candor apertus erat.
Et labor, ille, scholæ vel quantus, quamq; molestus,
Noverat, haud multos secula nostra ferunt.
Id qui cognoscunt: Multi nos perdere tempus
Censent, jucundâ nosq; quiete frui.
Sed valeant: Quod grata DEO, nos scimus, opella.
Nostra sit, hæc fructu non careatq; suo,
Cujus præsidio nos commendamus, abunde
Ipse patrocinio nos teget usque suo.
Et si non multos, paucos tamén ille patronos,
Qui foveant operas corde favente, dabit.
Talis cum fueris Doctor BRUNSWIGE, dolemus
Hinc obitum gravius mente gemente tuum.
Sed cum non vôtis possis revocarier, ipse
Nec mutare velis terrea cum superis:
His salve, & BRUNSWIGE vale, vale Fautor, in urnâ
Et tumulo terræ sit tibi grata quies.
Spiritus æthereas tuus hinc qui scandit ad arces.
Conspectu fruitur, Colloquioq; DEL.

Luce sub extremâ capiet cum corpore junctus
Gaudia perpetuo non peritura die.

*supra abſciſſas & affectus Conteſtandi
gratiâ apponeb.*

Ertmannus Vilterus S.S.S. Collega.

ALIUD,
TUMULUS

ex quo

Defunctus ipse loquitur

S Tetini veteris dum magna negotia tracto
Afflictis cupiens addere rebus opem.
Me fera mors medio in cursu florentibus annis
Aufert cum non dum sex, duo, lustra tuli.
Clarum BRIUN. WIADVM quis nescit stemma, decusq.?
Hic HERMANNUS ego sum procreatus avus.
Terreus hic Tumulus nunc velat corporis ossa,
Spiritus in cælis júbila læta canit,
Qui legis ista, miser longa spem pone senectæ,
Quo minime credis mors venit atra die.

Johannes Stöbelo S.S.S. Coll.

ALIUD.



Uada, Themis, Pietas Juris fecere
peritum.

BRAVNSCHVIGIUM, Lache-
sis quem sicelice necas.

Qui

Qui fuit eloquio præstans, oculusque Themis-
stos

Consilij patriam dexteritate juvans,
Ardens cui pietas, nec in vdis deflua labris
Hæsit, at in summo pectore fixa fuit.
Hunc, proh! MORTA ferox, strictim furcali-
(bus ausis

Demetis eximium laude fideq; virum.
Quem dignum voluit Cumæos vivere soles
Alma Themis, totus Pieridumq; chorus.
Cui proclive fuit multos excellere factis,
Et placidè causas composuisse fori.
Non tibi Teutonici diplomata nota Monarche,
Queis à vi tutos præcipit esse viros

Quorum, ut sol radians, Arstotum illuminat ant. habi-
ta. C. ne
fil. pro
Queq; Dej, populos format, ad imperiū? [orbē,
Inscia quin magis es juris; cum tollere quartam pr. I. de L.
Fal. Ulp.
frag. t. 24.
§ 30.
Falcidiâ deceat; falce quod omne rapis;
Ut nec Bellerophon pulcher, nec fortis Achilles

Effugiat diras fatiferasq; manus.
Iudice me, toto trudas climate mundi:
Ut latro, ut nebulo, cum genitrici simul.
Sed tu fle Pietas, fle Curia, civica turba, [subijt:
Quando sandapilā BRAUNSCHVIGIUS
Cujus

Cujus jam exuvias denati crypta recōdit,
Edita sed coeli mens anabathra petit.
Inter ibi Elyfios æternum læta Quirites
Degens, jus capiet municipale poli.
Interea manes epulis accumbite Divūm
BRAUNSCHVIGII, & partâ pace valete
[diu.]

Joach. Hammermeister LL. Stud.

FINIS.





921116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

